

Evening Dogri (NSD)

30-05-2024

आकाशवाणी

- 1 जम्मू दे अखनूर कोल इक बस दे डूंगे नाले च रूलकी जाने करी 21एं जनें दी मौत होई गई ऐ। राष्ट्रपति द्रोपदी मुर्म ते राज्यपाल मनोज सिन्हा होरें दुर्घटना च मरने आहलें पर बसोस प्रगट कीता ऐ।
2. लोकसभा चुनावं दे 7में ते खीरले गेढ गितै चुनां प्रचार अज्ज समाप्त।
- 3 उपराष्ट्रपति जगदीप धनखड़ होरें ओडिशा च पटाखे बनाने आहली थाहर होए दे धमाके च मरने आहलें प्रति संवेदना प्रकट कीती ऐ।
- 4 आई.आई.टी मद्रास दे स्टार्ट अप अग्रिकुल कॉसमॉस नै दुनिया दा पैहला पूरी चाल्ली 3-डी प्रिंटेड इंजन आहला रॉकेट छोड़ेया ऐ।
- 5 दक्खन पच्छमी मानसून केरल पुज्जी गेआ ऐ ते उत्तर पूर्व दे मते सारें हिस्सें च फैली गेआ ऐ।

<><><><><><>

Accident

जम्मू जिले दे अखनूर दे डूंगी मोड़ टांडा इलाके च अज्ज श्रद्धालुएं गी लेइयै जा'रदी इक बस शिड़कै थवां रूलकियै हेठ इक डूंगी खड्डे च जाई पेई जिस करी घटोघट्ट 20 लोकें दी मौत होई गई ते 15 होर लोक जख्मीं बी होई गए न। अधिकारिएं मुजब, उत्तर प्रदेश नम्बरै आली एह बस यू.पी86ई.सी-4078 जम्मू थमां रियासी जिले च श्री शिवखोड़ी तीर्थ स्थान लेई जा करदी ही जिसलै एह हादसे दा शिकार होई गई। एहदे च कुरूक्षेत्र हरियाणा दे जात्तरी सोआर हे। अधिकारिएं मुजब जख्मिएं गी तुरत हादसे आली थाहरै थवां अखनूर आले उपजिला अस्पताल पुजाया गेआ ते मते गंभीर तौरा पर जख्मीं होए दे लोकें गी माहिराना इलाज लेई जम्मू दे सरकारी मेडिकल कॉलेज अस्पताल रैफर कीता गेआ जिसलै के किश जख्मिएं दा इलाज चौकी चौरा अस्पताल ते अखनूर उप-जिला अस्पतालै च कीता जा रदा ऐ। हादसे च मारे गेदे ते जख्मीं होए दे लोकें दी पंछान कीती जा रदी ऐ।

<><><><><><>

Prez. Accident

राष्ट्रपति द्रोपदी मुर्म होरें जम्मू दी अखनूर थाहर कश पेश आए दे शिड़क हादसे पर दुख ते बसोस जाहिर कीता ऐ। उनें सौगी परोआरें कन्नै अपनी हमदर्दी जाहिर कीती ते घायलें दे तौले नरोए होने दी कामना कीती।

<><><><><><>

LG-Accident

उपराज्यपाल मनोज सिन्हा होरें अखनूर च होए दे बस हादसे ते ओदे च मनुक्खी जानें दी कीमती नुकसान पर दुख ते बसोस जाहिर कीता ऐ। अपने सोगी सनेहू च उपराज्यपाल होरें सौगी परौआरें कन्नै हमदर्दी जाहिर कीती ते परमात्मा थवां इस दुख गी झल्लने दी शक्ति देने दी बी प्रार्थना कीती। उनें घायलें दे तौले नरोए होने दी कामना कीती। उनें आखेआ जे प्रशासन प्रभावित परौआरें गी हर संभव सहायता उपलब्ध करवा रदा ऐ।

<><><><><><>

7th Phase

लोकसभा चुनावें दे 7में ते अखीलरे गेड़ लेई चुनां प्रचार अज्ज संज्ञा मुक्की गेआ। पैहली जून गी इस गेड़ लेई वोट पाए जाडना। इस दौरान 904 मेदवारें दे सियासी भागें दा फैसला होग जिंदे च भारतीय जनता पार्टी दे वरिष्ठ नेता ते प्रधानमंत्री नरेंद्र मोदी होर बी शामिल ना। 7में गेड़ च 8 राज्यें ते केंद्र शासित प्रदेश दी 57 संसदीय सीटें पर मतदान होगा। इस गेड़ च पंजाब ते उत्तर प्रदेश दी 13-13, पच्छिम बंगाल दी 9, बिहार दी 8, ओडिशा दी 6, हिमाचल प्रदेश दी 4, झारखंड दी 3 ते चंडीगढ़ दी इक सीट पर वोट पाए जाडना। बक्ख-बक्ख सियासी पार्टिएं दे नेता मतदाताएं गी अपनी पार्टी दे मेदवार दे पक्ख च करने लेई पूरी कोशिश करा रदे ना। प्रधानमंत्री नरेंद्र मोदी होरें पंजाब दे होशियारपुर चुनावी रैली गी संबोधित कीता। उनें कांग्रेस ते आई.एन.डी.आई गठध्ांन पर तुष्टिकरण ते वोट बैंक दी राजनीति करने दा दोष लाया। मोदी होरें आखेआ जे वोट बैंक दी खातिर कांग्रेस नै म्हेशा राम मंदर दे निर्माण ते सी.ए.ए दा विरोध कीता। तोआई कांग्रेस दे वरिष्ठ नेता राहुल गांधी होरें ओडिशा च इक चुनावी रैली गी संबोधित कीता। राहुल गांधी होरें बीजेपी पर त्रिक्खा हमला करदे होई आखेआ जे भाजपा नै ओडिशा दे लोकें दा अपमान कीता ऐ, उनें आखेआ जे बीजेपी दे नेता नै हाल च आखेआ हा जे भगवान जगननाथ मोदी भक्त ना। उनें जवानें गी अग्निवीर स्कीम तैहत मजदूर बनाने दा बी दोष लाया।

<><><><><><>

Voting-Count

जम्मू-कश्मीर दी 5 संसदीय सीटें लेई मतदान सम्पन्न होने दे कन्नै गै वोटें दी गिनतरी आले कम्में लेई तयारियां जोरें-शोरें कन्नै जारी ना। वोटें दी गिनतरी आला कम्म 4 जून गी बड्डुलै 8 बजे थवां शुरू होगा। अधिकारी मुजब जम्मू पार्लियामानी सीट ते उधमपुर कठुआ सीट लेई आजमाई आला कम्म बिलतरतीव एमएएम कॉलेज जम्मू ते पालिटेक्निक बिक्रम चौक ते जीडीसी कठुआ च होगा। श्रीनगर संसदीय हल्के लेई SKICC श्रीनगर बारामुला सीट लेई गिनतरी आला कम्म डिग्री कॉलेज बारामूला च होगा। अनन्तनाग-राजौरी सीट लेई मतगणना डिग्री कॉलेज अनंतनाग च होगा। ट्रायल रन च तकरीबन 400 कर्मी लाए गए ना। वोटें दी गिनतरी आले कम्मे आस्टै 2200 कर्मिएं गी सिखलाई दिती गेई ऐ।

<><><><><><>

VP

उपराश्ट्रपति जगदीप धनखड़ हों ओडिशा दी पूरी थाहर चंदन यात्रा दौरान पटाखे फटने करी होए दे हादसे च मरने आहलें प्रति संवेदना जाहर कीती ऐ। उपराश्ट्रपति हों मरने आहलें दे परौआरें प्रति दुख जाहर कीता ते घायलें दे तौले बल्ल होने दी कामना कीती।

<><><><><><>

IIT-Madras

इक शानदार उपलब्धि च आई.आई.टी. मद्रास दे स्टार्ट अप अग्रिकुल Cosmos नै दुनिया दा पैहला Single piece dimensional यानि 3-D printed engine आहला राकेट कामयाबी कन्नै छोड़ेया ऐ। एह राकेट अग्रिवान Sored भारत दा पैहला semi cryogenic engine आहला राकेट ऐ जिसदा निर्माण पूरी चाल्ली भारत च कीता गया ऐ। इस राकेट गी अज्ज बहुलै सवां 7 बजे आंध्र प्रदेश श्री हरिकोटा सवां अग्रिकुल आस्सेया गै स्थापित ते विकसित कीते गेदे भारत दे पैहले निजी लांचपैड धनुष सवां छोड़ेया गेआ। अग्रिवान sorted गी कामयागी कन्नै छोड़े जाने पर अग्रिकुल Cosmos गी मबारकबाद दिंदे होई इसरो दे चेयरमैन एस. सोमनाथ हों आखेआ जे इस उपलब्धि कन्नै इसरो गी नमिं काडुं लेई गैर सरकारी संगठनें ते अंतरिक्ष सरबंधी स्टार्ट अप दी सहायता करने दी प्रेरणा मिली ऐ तां जे मुल्लै च आत्मनिर्भरता गितै मुआफक वातावरण बनाया जाई सकै। अग्रिवान राकेट 300 किलो भार कन्नै 700 किलोमीटर दी उंचाई तोड़ी जाई सकदा ऐ। एहदे इंजन गी Liquid Oxygen यां मिट्टी दे तेल कन्नै बी शक्ति दित्ती जाई सकदी ऐ। प्रधानमंत्री नरेंद्र मोदी हों इस उपलब्धि लेई आई.आई.टी मद्रास गी मबारकबाद दित्ती ऐ। उनें आखेआ जे अग्रिवान दा कामयाब परीक्षण भारत दे अंतरिक्ष क्षेत्र लेई इक शानदार पल ऐ ते युवा शक्ति दा सबूत ऐ।

<><><><><><>

Monsoon

मौसम सरबंधी मैहकमे नै तस्दीक कीती ऐ जे मानसून केरल च पुज्जी गेआ ऐ ते राज्य च बड़ी मती बरखा पवा रदी ऐ। राज्य दे सब्बै 14 जिलें च येलो अलर्ट जारी कीता गेआ ऐ। बड़ी मती बरखा करी केई जिलें च पानी भरोची गया ऐ जेदे च तिरुवंथपुरम ते ऐरनाकुल्लम जिले बी शामिल ना। प्रभावित क्षेत्रें च राहत शिविर खोले गए ना। राज्य दे आपदा प्रबंधन मैहकमे नै प्हाडी इलाकें च पस्सियां पौने दी चेतावनी जारी कीती ऐ। राज्य दी प्रमुख नदिएं दा जल स्तर लगातार बदा रदा ऐ। मछेरें गी समुंद्रै च नेई जाने दी सलाह दित्ती गेई ऐ।

<><><><><><>

Heat-Wave

जम्मू च गर्मी दा प्रकोप बरोबर जारी ऐ। कल शैहर च बहुबद् तापमान 44 अशारिया 8 डिग्री सैल्यिस दर्ज कीता गेआ जेड़ा सामान्य तापमान थवां 5 अशारिया 7 डिग्री बद् ऐ। खित्ते च पिच्छले इक हफ्ते सोयां गर्मी पवा'रदी ऐ। 16 मई थवां पारा 40 डिग्री थवां उप्पर गै बने दा ऐ। कटड़ा च तापमान 40 डिग्री रिकार्ड कीता गेआ।

<><><><><><>